



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՌԸՆԹԵՐ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

0015, Երևան, Խոթենացի 3/7

<< 27 _>> __02__2017թ.

ՈՐՈՇՈՒՄ No 76/10

ք. Երևան

Հարկ վճարողից ժամանակին չվճարված հարկային մարմնի կողմից վերահսկվող
եկամուտների գծով վճարման ենթակա գումարը գանձելու մասին

Հայաստանի Հանրապետության կառավարությանն առընթեր պետական եկամուտների կոմիտեի
աշխատակազմի իրավաբանական վարչության պետ Ա. Մնացականյանս, քննարկելով անհատ
ձեռնարկատեր Աշոտ Ռոբերտի Աճեմյանի վերաբերյալ վարչական վարույթի նյութերը.

Պարզեցի

Համաձայն հարկային մարմնում առկա անձնական հաշվի քարտի տվյալների անհատ ձեռնարկատեր
Աշոտ Ռոբերտի Աճեմյանի (ՀՎՀՀ 57230019, հասցե՝ ք. Գյումրի, Շիրակացի 3թաղ., 9/11, պետական
ռեգիստր՝ 29.58562, անձնագիր՝ AE 0300378, ՀԾՀ՝ 2209750253) հարկային մարմնի կողմից վերահսկվող
եկամուտների գծով չկատարված պարտավորությունը 07.02.2017 թվականի դրությամբ կազմել է 91.612
դրամ /որից ապառք՝ 68.130 դրամ, տույժ՝ 23.482 դրամ/:

Վերոհիշյալ պարտավորության մասով ՀՀ կառավարությանն առընթեր պետական եկամուտների
կոմիտեի աշխատակազմի իրավաբանական վարչությունում, համաձայն <<Վարչարարության
հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է
վարչական վարույթ անհատ ձեռնարկատեր Աշոտ Ռոբերտի Աճեմյանի չկատարած պարտավորությունը
գանձելու վերաբերյալ՝ վարչական ակտ ընդունելու նպատակով, որի մասին 09.02.2017թ. պատշաճ կերպով
ծանուցվել է, սակայն վարույթի նյութերին ծանոթանալու համար չի ներկայացել և որևէ բացատրություն չի
տվել: Անհատ ձեռնարկատիրոջ կողմից կատարվել է վճարում և պարտավորությունը 22.02.2017թ.
դրությամբ կազմում է 57.528 դրամ /որից ապառք՝ 33.130 դրամ, տույժ՝ 24.398 դրամ/: Եկամտային հարկի
պարտավորությունը կազմում է ապառք՝ 7.829 դրամ, տույժ՝ 155 դրամ, որը ներառում է 2016թ.
հոկտեմբերից դեկտեմբեր ամիսների եկամտային հարկի վճարման ենթակա գումարները և հաշվարկված
տույժը: Շրջանառության հարկի պարտավորությունը կազմում է ապառք՝ 13.526 դրամ, տույժ՝ 999 դրամ,
որը ներառում է 2016թ. չորրորդ եռամսյակի շրջանառության հարկի վճարման ենթակա գումարները և
հաշվարկված տույժը: Սոցիալական վճարի (տարեկան) պարտավորությունը կազմում է ապառք՝ 11.775
դրամ, տույժ՝ 23.244 դրամ, որը ներառում է 2015թ. տարեկան սոցիալական վճարի վճարման ենթակա
գումարները և հաշվարկված տույժը: Գանձման ենթակա չկատարած պարտավորությունների նկատմամբ
օրենքով սահմանված կարգով և չափերով հաշվարկվում են տույժեր և տուգանքներ:

<<Հարկերի մասին>> ՀՀ օրենքի 3-րդ հոդվածը սահմանում է, որ հարկը պետական և
հասարակական կարիքների բավարարման նպատակով համապարտադիր և անհատույց վճար է:

Համաձայն <<Հայաստանի Հանրապետության 2016 թվականի պետական բյուջեի մասին>> ՀՀ
օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական
տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային,
պաշտպանության, հասարակական, անվտանգության, դատական գործունեության և այլ ոլորտներում

նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ սույն որոշումը ենթակա է անհապաղ կատարման:

Վերոգրյալի հիման վրա, ղեկավարվելով << Հարկերի մասին>> ՀՀ օրենքի 29¹ հոդվածով, <Կուտակային կենսաթոշակների մասին> ՀՀ օրենքի 71-րդ հոդվածով, <Հարկային ծառայության մասին> ՀՀ օրենքի 4-րդ հոդվածի 11-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով,

ՈՐՈՇԵՑԻ

1. Անհատ ձեռնարկատեր Աշոտ Ռոբերտի Աճեմյանից գանձել 57.528 դրամ պարտավորության գումար:

2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման Հայաստանի Հանրապետության արդարադատության նախարարության դատական ակտերի հարկադիր կատարման ծառայություն:

3. Որոշման օրինակն եռօրյա ժամկետում ուղարկել (ֆիզ. անձին կամ) հարկ վճարողին:

4. Սույն որոշումն ուժի մեջ է մտնում <<Վարչարարության հիմունքների և վարչական վարույթի մասին>> ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:

5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ վարչական դատարան:

Իրավաբանական
վարչության պետ



Ա. Մնացականյան

Ստացա որոշման օրինակը

ստորագրություն

Հայաստանի Հանրապետության վարչապետի պաշտոնի վրա

աղբյուր

Կատարող՝ 10-րդ բաժնի առաջատար

մասնագետ Լ. Թորոսյան

Հեռ՝ (0312) 9 96 66

